

UNIONE COMUNES DE SU BIDDANOIA



**Comune de
Romana**



**Comune de
Biddanoa Monteleone**



**Comune de
Monteleone**



**Comune de
Pàdria**



**Comune de
Mara**

PRO MANIFESTAZIONE DE INTERESSU A PARTETZIPARE IN CALIDADE DE SUGETU COLLABORADORE A SA RETE PARTENARIALE E A S'ELABORAZIONE PRO MÈDIU DE COPROGETAZIONE DE UNA PROPOSTA A BÀLERE SUBRA DE SU BANDU "EDUCARE IN COMUNE" SEGUNDU S'AVISU PÙBLICU DE SA PRESIDÈNTZIA DE SU CONSÌGIU DE SOS MINISTROS – DIPARTIMENTU DE SA FAMÌLIA – FINANZIAMENTU DE PROGETOS PRO SU CUNTRASTU A SA POBERTADE EDUCATIVA E SU SUSTENNU DE SAS OPORTUNIDADES CULTURALES E EDUCATIVAS DE PESSONES MINORENNES

1) Premissas

- a) Sa pobertade econòmica alimentat sa pobertade educativa, cundizione in sa cale su pitzinnu o unu piseddu s'agatat privadu de su diritu a s'aprendimentu in sensu largu, de sas oportunitades culturales e educativas, de su diritu a su giogu, de s'atzessu, in generale, a benes e servìtzios dedicados, a oportunitades de aprendimentu e de fruitzione non formale de cultura e artes, netzessàrios pro sa crèschida. Tale forma de pobertade non est càusa ebbia de s'isvantàgiu sotziale (e econòmicu) chi si podet atribuire a sa familia de orìgine, ma est connessu a su divàriu sòtziu-territoriale e a sa dimensione cualitativa de sa comunidade educante de riferimentu. Sa pobertade educativa est unu fenòmenu multidimensionale, sas càusas suas derivant puru dae sa pobertade de relatziones, dae s'isulamentu e dae sa mala alimentazione e incuru de sa salute. In particolare, sa dimensione emotiva de sa sotzialidade, de su sensu baloriale e de sa capatzidade de si relatzionare cun sas realidades de riferimentu, siat esternas chi internas, est perigulosa, cantu e prus de cussa econòmica. Sa pobertade in sas relatziones privat sos pitzinnos e sos piseddos de sa possibilitade de crèschere in sos afetos, de aprèndere e isperimentare relatziones positivas, de iscobèrrere a manera prena sas capatzidades cognitivas pròpias, de isvilupare sas cumpetèntzias pròpias, contivigiare sos talentos pròpios e ismanniare sas punnas pròpias. S'isvilupu de s'edade evolutiva, in ambientes caraterizados dae s'isvantàgiu econòmicu e culturale in su matessi tempus, faghet crèschere s'arriscu de divènnere adultos esclusos: unu fenòmenu chi s'at a eternare in sas generatziones benidoras non capatzes de riscatare sa cundizione de cumentzu issoro de privatziones. Sa crèschida esponenziale de su fenòmenu de sa pobertade educativa ismànniat, difatis, sa diferèntzia tra sas generatziones, esponende a manera forte sos piseddos a sa paga importàntzia sotziale e a sa pobertade comente fenòmenu "ereditàriu".
- b) **Sa Presidèntzia de su Consìgiu de sos Ministros – Dipartimentu de sa Famìlia at publicadu s'avisu "Educare in Comune"** proponende atziones de interventu a livellu comunale pro torrare a dare importàntzia e protagonismu a sos atores locales de sa "comunitade educante", pro isperimentare, atuare e consolidare in sos territòrios modellos e servìtzios de *welfare* de comunitade in sos cales sas pessones de edade minore e sas famìlias pròpias diventent protagonisti siat comente beneficiàrios de sos interventos, siat comente sugetos ativos de interventu. Pro "comunitade educante" si intendet sa rete de solidariedade territoriale costituita dae totu cussos chi partetzipant cun responsabilidade, collaborende totus umpare e cun sa matessi cultura pedagògica, a sa crèschida de sas pessones de edade minore. Una pluralidade de mannos de riferimentu – chi andat dae sos babbos e sas mamas, a s'iscola, a su sistema econòmicu, giurìdicu e culturale, a su tertzu setore (cumpresas sas istituziones religiosas e su mundu de s'isport) – chi, a tìtulu vàriu, si impignat pro tutelare e valorizare sa dimensione sotziale de su protzessu educativu.
- c) S'avisu de sa Presidèntzia de su Consìgiu de sos Ministros – a su cale si faghet riferimentu cumpletu – si podet agatare in s'indiritzu sighente: <http://famiglia.governo.it/it/politiche-e-attivita/finanziamenti-avvisi-e-bandi/avvisiebandi/avviso-pubblico-educare-in-comune/>
- d) S'Unione de Comunes de sos Comunes de su Biddanoa intendet promòvere sa costituzione de una rete de partenariadu pro presentare una proposta progetuale in linia cun sas finalidades de su Bandu de su cale subra, chi espresset a manera prena sa presèntzia de una rete territoriale capatze de operare umpare pro obiettivi educativos e pedagògicos comunes.

2) Ogetu

S'avisu presente intendet seletzionare unu o prus suetos in rete tra issos (entes pùblicos e privados) chi:

- a) presentent una proposta cun sos contenidos chi siant coerentes cun sas macro-linias progetuales definidas dae s'Unione de Comunes de su Biddanoa e marcadadas in s'art. 3 de s'Avisu presente.
- b) siant dispostos a collaborare a sa co-progetzione de una Proposta progetuale de umpare chi s'Unione de sos Comunes de su Biddanoa at a presentare, in calidade de capufila, a bàlere subra de su bandu tzitadu "Educare in Comune",
- c) siant interessados e dispostos a co-gestire sa proposta candidada, si in casu mai bèngiat aprovada e finantziada, reconnoschende s'Unione de Comunes de su Biddanoa cale titolare ùnicu de su progetu;
- d) si impignent a assùmere e rispettare sos contenidos prevìdidos dae su Bandu de su cale subra e sas direttivas chi ant a èssere cumpratzidas cun s'Ente capufila.

3) Macro.linias progetuales e contenu de sa Proposta:

- a) S'Unione de Comunes de su Biddanoa intendet partetzipare a su Bandu subra mentovadu cun una proposta progetuale de isvilupare in s'àrea temàtica **C "Cultura, Arte, Ambiente"** pro realizare modellos educativos chi favoressent sa cultura, s'arte e su contivìgiu de su territòriu, comente instrumentu indispensabile pro s'isvilupu curretu de sa vida sotziale e cognitiva de sos pitzinnos e de sos piseddos, pro mèdiu de sa fruitzione regolare e ativa de su patrimoniu culturale, istòricu, artìsticu e ambientale chi nde disponet su territòriu.
- b) Sa proposta intendet promòvere contestos inclusivos, informales e non formales, in ue isvilupare s'aprendimentu e afortigare sas cumpetènzias, in particolare cussas trasversales. Sos interventos ant a dèvere àere caràtere educativu e lùdicu e favorèssere sa partetzipazione de su nùmeru prus mannu de Minores de su territòriu, cun riferimentu particolare a sas/sos Pitzinnas/os e Piseddas/os chi sunt in situatzione de discumbèniu, pobertade, fertura e fragileza.
- c) Sos interventos ant a èssere indirizados a sa realizazione de Laboratòrios, *workshop* e eventos chi promovant sa connoschèntzia e s'isperimentatzione de formas vàrias de cultura, arte, isport, espressione creativa e corpòrea, educatzione a s'ambiente e a sa natura. Si intendet dare importàntzia particolare a atziones chi s'isvilupent in sos loges abertos e in loges significativos pro sa comunidade (Museos, bibliotecas, parcos, camineras, àreas birdes, loges istòricos...) e chi resurtent innovativas, trasferìbiles e sustenìbiles in su tempus.
- d) At a dèvere, in prus, èssere garantidu un'acostiamentu orgànicu e multidisciplinare, chi pòngiat in su tzentru s'atenzione a s'interessu superiore de sos minorenes interessados, a tutela de sos bisòngios issoro e de sas relatziones issoro;
- e) Sensibilidadade particolare devet èssere posta puru pro sos Minores chi benint dae sistuatziones familiares a càrrigu de su Servìtziu Sotziale ossiat categorias sotziales, custas, pòberas de istìmulos culturales e artìsticos. In su matessi tempus, sas propostas progetuales devent prevedire interventos e atziones indirizadas a cuntrastare sos efetos negativos produidos dae sa pandemia a pitzinnos e a piseddos e a prevènnere chi atziones eventuales postas in campu pro cuntrastare su perlongare de sa pandemia los afortient a manera ulteriore;
- f) *Sa fàscia de edade prevìdida pro definire sos benefitzziarios de su Progetu est cumprada tra sos 6 e sos 12 annos.*

4) Resursas finantziàrias programadas e durada de su Progetu

Su Bandu in chistione previdit chi a sa realizazione de sos progetos in sas àreas temàticas, siat destinadu unu finanziamentu complessivu paris a èuros 15.000.000,00 (bìndighimilliones/00), a bàlere subra de sas resursas de su Capìtulu 858, Tzentru de Responsabilidadade n. 15 – Politicas pro sa famiglia – de su bilàntziu de sa Presidèntzia de su Consìgiu de sos ministros.

S'importu complessivu, de su cale in su comma pretzedente, at a èssere partzidu a manera ecuànime tra sas àreas temàticas, (segundu su comma 1, in sa misura de èuros 5.000.000,00 (chimbemilliones/00).

Su Bandu previdit chi sas propostas progetuales presentadas epant unu balore complessivu no inferiore a èuros 50.000,00 (chimbantamìgia/00) e non superiore a èuros 350.000,00 (treghentoschimbantamìgia/00). Su finanziamentu erogadu dae su Dipartimentu pro ogni iniziativa progetuale at a garantire su costu intreu de sa proposta.

Sas propostas de co-progetatzione ant a dèvere, pro cussu, èssere acumpangiadas dae unu pianu econòmicu-finantziàriu de un'importu complessivu non superiore a 350 mìgia èuros; pro sas ispesas ammissìbiles si rinviat a s'allegadu "A" de s'Avisu "Educare in Comune".

Sos interventos ogetu de sa proposta de co-progetatzione ant a dèvere àere una durada pretzisa paris a 12 meses.

5) Responsabilidade de su progetu:

S'Unione de Comunes at a acumprire su ruolu de ente capufila e, in casu de ammissione a su finantziamentu, at a èssere su Titolare ùnicu de su Progetu. Sos sugetos chi ant a fàghere parte de sa rete partenariale ant a esecutare atividades a in intro de su Progetu, comente prevididu in s'interi de sa co-progetazione e ant a rendicontare sas atividades deretu a su Capufila.

S'Unione de Comunes at a mantènnere su coordinamentu e sa responsabilidde de sa realizazione de sa proposta presentada.

6) Rechisidos de sos Sugetos proponentes:

- a) Su Bandu previdit chi potzant partetzipare a sa rete partenariale entes pùblicos e entes privados, cales servìtzios educativos pro s'infàntzia e iscolas de s'infàntzia paritàrios, iscolas paritàrias de ogni òrdine e gradu, entes de su Tertzu settore, impresas sotziales e cun entes eclesiàsticos e de cultu dotados de personalidade giurìdica chi epant cumpridu un'esperientzia iscumproada de a su nessi tres annos in s'àrea temàtica subra indicada e cun un'istatutu o atu costitutivu chi siat coerente cun s'àmbitu temàticu subra ispetzificadu in sos particulares.

Sos rechisidos subra indicados sunt pro cussu obligatòrios pro sa partetzipazione a s'Avisu pùblicu presente.

- b) In integratzione a sos rechisidos prevididos in su comma pretzedente, est in prus rechestu chi sos Sugetos epant sas caraterísticas sghentes documentadas:

- esperientzia de a su nessi ses meses cumprida in progetos e/o servìtzios gestidos e erogados in su territòriu de riferimentu de s'Unione de Comunes de su Biddanoa;
- Esperientzia de a su nessi ses meses cumprida in Progetos e/o Servìtzios indirizados a Minores in sa fàscia de edade de riferimentu (rif. Puntu 3f)
- Presèntzia in s'internu issoro de figuras cualificadas, chi su profilu issoro siat coerente cun sas atziones individuadas in sa proposta e chi potzant garantire un'*istandard* artu de calidade de sos servìtzios ofertos.

Sas caraterísticas segundu sos puntos a) e b) ant a dèvere èssere iscumproadas pro mèdiu de documentatzione apòsita segundu su puntu 7 de s'Avisu presente.

Sos sugetos proponentes ant a dèvere èssere in possessu de sa Firma digitale intro de sa die 27 de freàrgiu de su 2021.

7) Cunditiones e tèrmines pro sa presentazione de sas Propostas

Sos sugetos interessados ant a dèvere imbiare intro e non prus a dae de sa die 27 de freàrgiu de su 2021 sos documentos sghentes (totus netzessàrios a pena de esclusione):

- 1) Dimanda de partetzipazione redatzionada in pabilu intestadu de su Sugetu proponente, cun declaratzione de su possessu de sos rechisidos rechestos dae su Bandu e dae s'Avisu presente
- 2) Proposta progetuale de màssimu n. 2 pàginas (Dimensione Font 11) chi cuntenet:
- 3) Cuadru lògicu de coerèntzia de su progetu (devet ofèrrere unu quadru sintèticu e immediatu de su progetu) cun:
 - Obietivu/os generale/es e obietivos ispetzìficos
 - Atziones/atividades propostas
 - Resurtados isetados/indicadores de resurtadu
 - E fetu isetadu
- 4) Precunditiones e crititzidades atuativas potenziales
- 5) Figuras professionali impiegadas pro s'acumprimentu de sas atividades
- 6) Pianu econòmicu finantziàriu pretzisu pro sas atziones propostas
- 7) Còpia de s'atu costitutivu e istatutu
- 8) Relatzione, dada in forma ischemàtica (màs. 2000 caràteres og.) de sos profilos professionali chi su Sugetu intendet impiegare in s'acumprimentu de sas atividades
- 9) Documentu de identidade de su Rapresentante legale

Sas propostas ant a dèvere perbènnere ebbia pro mèdiu de sa PEC a s'indiriztu unionedeicomunidelvillanova@pec.it intro e non prus a dae de sas oras 10:00 de sa die 27/02/2021.

Su recàpitu de sa pec est a arriscu esclusivu de su mitente, cun esòneru de responsabilidade pro s'Amministratzione proponente.

8) Critèrios de seletzione de sas propostas:

Sa seletzione de sas propostas at a avènnere subra de sa base de sos critèrios sutaelencados:

| Critèriu | Puntègiu de detàgliu | Puntègiu màs. |
|---|--|----------------------|
| Esperièntzia de su Sugetu in s' àrea temàtica individuada | Esperièntzia triennale: 5 puntos Dae 1 a 2 annos in prus: 10 puntos dae 2 a 5 annos in prus: 15 puntos ultres 5 annos in prus: 20 puntos | 20 puntos |
| Esperièntzia de su Sugetu in sa gestione de Progetos/Servìtzios ispetzìficos pro sa fàscia de edade individuada | Esperièntzia triennale: 5 puntos Dae 1 a 2 annos in prus: 10 puntos dae 2 a 5 annos in prus: 15 puntos ultres 5 annos in prus: 20 puntos | 20 puntos |
| Calidade de sa Proposta progetuale (craresa, coerèntzia, completenessa, innovatzione) | Articulatzione Obietivos: màs. 5 puntos Articulatzione Atziones: màs. 5 puntos Coerèntzia de sos resurtados/indicadores: màs. 5 puntos Coerèntzia Efetu isetadu: màs. 5 puntos Individuatzione precunditziones e crititzidades: màs. 5 puntos | 25 puntos |
| Profilos profesionales | Coerèntzia de sos profilos, tìtulos e esperièntzia fata in antis de livellu sufitziente cunforma a sas atividades propostas: 5 puntos Coerèntzia de sos profilos, tìtulos e esperièntzia fata in antis de livellu bonu cunforma a sas atividades propostas: 10 puntos Coerèntzia de sos profilos, tìtulos e esperièntzia fata in antis de livellu òtimu cunforma a sas atividades propostas: 15 puntos | 20 puntos |
| Pianu econòmicu-finanziàriu | Coerèntzia sufitziente cun sas atividades previstas: 5 puntos Coerèntzia bona cun sas atividades previstas: 10 puntos Coerèntzia completa cun sas atividades previstas: 15 puntos | 15 puntos |
| Puntègiu màssimu | | 100 puntos |

Ant a èssere seletzionados e ammitidos a sas atividades de co-progetatzione ebbia sos Sugetos chi ant a lòmperre a su nessi a su limite de 70 puntos.

8) Commissione pro sa valutatzione de sos sugetos proponentes:

S'Ente/es partner at a èssere seletzionadu, tra sos sugetos partetzipantes dae una Commissione apòsita numenda dae su Responsàbile de su Servìtziu Sòtziu-Culturale de s'Unione de sos Comunes.

9) Publicatzione e balidade de s'Avisu:

S'Avisu presente benit publicadu in data de sa die de oe in su situ istituzionale de s'Unione de Comunes e de sos Comunes aderentes e est bàlidu pro n. 10 dies.

S'avisu presente non costituit de peruna manera proposta contratuale e non vìnclat de peruna manera s'Unione de Comunes, chi si riservat de interrùmpere pro resones de cumpetèntzia esclusiva sua su protzedimentu aviadu sena chi sos sugetos richiedentes potzant bantare peruna pretesa.

9. Tratamentu de sos datos personales

In cunforma a s'art. 13 comma 1 de su D.Lgs. n. 196/2003 e GDPR sos datos personales frunidos dae sos candidatos ant a èssere regortos in s'Unione de sos Comunes Valle dell'Agogna pro sas finalidades de gestione de sa protzedura de coprogettazione e partenariadu. Su cunferimentu de sos datos rechestos est obligatòriu pena s'esclusione dae sa protzedura. S'interessadu godit de sos diritos segundu s'art. 7 de su D.Lgs. n. 196/2003 e GDPR inclùdidu su diritu de atzessu a sos datos chi lu riguardant, e puru de diritos complementares, tra sos cales cussu de fàghere retificare, aggiornare e cumpletare o cantzellare datos isballiados, non cumpletos o regortos in tèrmines non cunformes a sa lege e puru su diritu de si opònnere a su tratamentu issoro pro motivos no legitimis.

Romana, 16/02/2021

Su Responsàbile de su Servìtziu
Dot.ra Antonella Contini

Traduzione de s'operadora de s'isportellu linguìsticu de Romana
Maria Leonarda Correddu

